

## **Tonga - Muuya Inkondo Magwalo - SW Intro Scriptures**

**Luka 17:5 Elyo baapostolo bakaambila Mwami kuti, Yungizya lusyomo Iwesu.**

**Ba-Roma 10:17 Lino lusyomo lulazwa kunkombe, alimwi inkombe ilazwa kujwi Iya-Leza.**

**Luka 11:1 Eno naakali kukomba kubusena bumwi, naakamana, umwi wabasikwiya bakwe wakamwaambila kuti, O mwami, utwiisye kukomba, mbuli Johane mbwaakaiisya basikwiya bakwe.**

**1 Timoteo 2:1-4 Kukusaanguna ndiyandisya kuti kucitilwe bantu boonse zikombyo ankumbilizyo ankombelezyo akulumba, 2 Amukombele bami abaabo boonse bali mubwami, kuti buumi bwesu bube bwaluumuno akutontola, tukale kabotu akulemeka Leza, 3 Eci ncibotu akutambulika kuli-Leza Mufutuli wesu, 4 uuyandisya kuti bantu boonse bafutulwe akuboola kuluzibo Iwakuziba lusinizyo.**

**Zakariya 3:1,2 Elyo wakanditondezya Joshua mupaizi mupati uliimvvi kubusu bwaangelo wa-Jehova, a-Saatani uliimvvi kujanza lyakwe Iyalulyo kuti amulengelele. 2 Mpawo Jehova wakaambila Saatani kuti, Jehova akutapatile, O Saatani. Jehova iwakasala Jerusalemu akutapatile. Sa oyu teensi cisisi cagwisigwa mumulilo na?**

**Ba-Efeso 6:12 Nkaambo inkondo njitulwa tiiensi yakulwana abantu balya maila, pe, niakulwana abeendelezi abami abasinguzu bamumudima waansi ano, tulalwana amuuuya yabubi iili mumyeenya yakujulu,**

**Ba-Efeso 6:10,11 Kumalekelo, nubakwesu, amuyume mu-Mwami amunguzu zyakwe impati, 11 Amusame zilwanyo zyoonse zya-Leza, kuti mukonzye kwiima mumeeneeno aa-Diabolosi.**

**Ba-Efeso 6:13-17 Nkikaako nkindaambila kuti amuzwate zilwanyo zyoonse zya-Leza, kuti mukakonzye kulwisya mubuzuba bubi, elyo yamana buyo inkondo yoonse muzooima nji. 14 Lino mbuboobo mbumweelede kwiima, Amulyaange kuzikungu lutambo Iwalusinizyo akulisamika kucamba cikwabilizyo cabululami. 15 Zituta zyanu zibambwe kukusamikwa a-Makani Mabotu aaluumuno. 16 Kwiinda zyoonse amubweze intobo yalusyomo, njiyonya njimukonzya kuzimya mimvvi yoonse iipyi iifuswa kumubi. 17 Alimwi amubweze ingoani yalufutuko, apanga Iya-Muuya, nkukuti ijwi Iya-Leza.**

**Hebrayo 4:12 Nkaambo ijwi Iya-Leza lili abuumi, lili anguzu, lilabosya kwiinda iceba ilijisi mabemba obile, lilayasa mane kukwaanzaanya buumi amuuya, aalo maswaanganino aazifuwa amooma, alimwi**

**lilabeteka kuyeyya akuyanda kwamoyo.**

**Luka 4:8 Jesu wakamuwa kuti, Kozwa, Saatani. Kulilembedwe kuti,  
Komba Jehova, Leza wako, Umumanine milimo walo alike.**

**Ba-Efeso 6:18 Amukombe lyoonse azikombyo ankumbizyo zyoonse zyamu-  
Muuya, Ee, amupangike myoyo yanu cabusungu kumakani aya,  
mukombele basalali boonse.**

**1 Samuele 17:45-47 Pele Davida wakaambila mu-Filisti kuti, Webo ulaboola  
kulindime apanga asumo amuumba, pele mebo ndeza kulinduwe muzina  
Iya-Jehova wamakamu makamu, Leza wabasinkondo ba-Israyeli  
ngosampaula. 46 Mubuzuba obuno Jehova ulakwaaba mumaanza aangu,  
elyo nzoookujaya akukukosweda mutwe, ayalo mitunta yamakamu  
aabasinkondo baba-Filisti sunu ndiipa bayuni bakujulu abanyama baansi,  
kuti bantu boonse baansi bazoozibe kuti Israyeli uli a-Leza 47 Abalo aba  
bantu boonse babungene ano bazoozibe kuti ipanga asumo tazyeensi  
nzyavunya Jehova pe, nkaambo inkondo njiya-Jehova nkabela  
ulamwaaba mumaanza esu.**

**Luka 10:17-20 Abali makumi aali musanu mwaabili bakaboola akubotelwa  
bakati, O mwami, abalo badaimona batumvwa nkaambo kezina lyako. 18  
Wakati kulimbabo, Ndakamubona Saatani ulaloka kujulu mbuli lulabo. 19  
Amubone, ndamupa bwami bwakulyata nzoka atubanke, abwami atala  
Iyenguzu zyoonse zyasinkondoma, taakwe ciyoomucisa akanini. 20  
Nokubabobo mutabotelwi kuti badaimona bamumvwa, pele  
amubotelwe kuti mazina aanu alilembedwe kujulu.**

**2 Ba-Korinto 10:3-5 Pele nikuba kuti tweenda ansi, kulwa kwesu takweensi  
kwaansi pe, 4 nkaambo zintu zyesu zyakulwisyta tazyeensi zyabantu  
buyo, nzyanguzu zya-Leza zyakumwaisya mampangala mayumu. 5  
Tulamwaisya miyeeyo yoonse azintu zyoonse zili buti zilisumpula  
cakulwisyta Iuzibo Iwa-Leza, alimwi tulaanga makanze oonse kuti  
aswiilile Kristo.**

**2 Timoteo 1:7 Nkaambo Leza takatupede muuya wabukandu, pe, wakatupa  
muuya wanguzu awakuyandana awakulibamba.**

**Matayo 12:28,29 Pele ime, kuti inguzu nzintanzya badaimona nzizya-Muuya  
wa-Leza, lino Bwami bwa-Leza buliswenede afwiifwi kulindinywe. 29  
Alimwi muntu ulakonzya kunjila buti mujanda yasinguzu akusaala  
Iubono Iwakwe, atasaanguna kumwaanga singuzu oyo? lino ulasaala  
injanda yakwe.**

**Ba-Efeso 1:13 Anywebo mwakaswiilila ijwi Iyalusinizyo, Makani Mabotu  
aalufutuko Iwanu, elyo nimwakazuminina nguwe mwakabikilwa  
citondezyo, nkukuti Muuya Uusalala ngutwakasyomezegwa kale.**

**Incito 19:6 Nkabela Paulo naakabika maanza alimbabo, Muuya Uusalala**

**wakabaselukila bakaamba emilaka, basinsima.**

**Marko 16:15-18 Lino wakabaambila kuti, Kamuya munyika yoonse, mukakambaukile bantu boonse Makani Mabotu. 16 Oyo uuti kasyome akubapatizingwa uyoofutuka, pele oyo uutazumini uyoozulwa. 17 Nkabela kulibaabo basyoma ayoocitwa malele aya. Bayootanda badaimona muzina lyangu, bayooamba myaambo mipya, 18 bayoojata inzoka, alimwi nibayoonywa cijaya cili buti, tacikooyoobakola pe, nkabela nibayoobika maanza aabo abalwazi, bayoopona.**

**1 Johane 1:9 Kuti twalyaamba zibi zyesu, walo ulasyomeka akululama, ulatulekelela zibi zyesu akutusalazizya zitaluleme zyonse,**

**Kulonga 20:5 Utazikotamini nekuba kuzimanina milimo, nkaambo ndime Jehova Leza wako, ndi Leza sibuzuba. Ndabweedezya milandu yabamawisi amitwe yabana babo mane kusikila kumuzukulu watatu awane wabaabo bandisulide,**

**Intembauzyo 109:17 Kayandisyा kusinganya, aboobo kwakamupilukila.**

**Katayandi kulongezya, aboobo kwakamutantamuka,**

**Babetesi 16:16 Lino naakatalika kumukataazya amajwi aakwe mazuba oonse, akumusungilizya, moyo wakwe wakapenga loko cakufwa.**

**Ba-Efeso 4:26 Nimwaba abukali, mutabisyi. Mutabbizyi izuba bukali bwanu.**

**Ba-Roma 14:12 Aboobo, toonse buyo tuleelede kulyaambilila makani esu kubusyu bwaLeza,**

**1 Johane 2:23 Oyu uutama Mwana, nguwenya uutajisi Taata, pele oyo uuzuminina Mwana nguwenya uujisi Taata alakwe.**

**Johane 14:6 Jesu wakamwaambila kuti, Ndime nzila, ndime bwini, ndime buumi. Takukwe uuza kuli-Taata, pele mulindime.**

**Matayo 11:28-30 Amuboole kulindime nyoonse nomukatede nomulemenwa, ndime enti kamulemunune. 29 Amulikulike ijokwe lyangu, mwiiye kwangu, nkaambo ndilibombede, ndi mutete moyo, lino mulakatulukwa mumyoyo yanu, 30 nkaambo ijokwe lyangu lilbulungusene, awalo mukuli wangu muuba.**

**2 Ba-Korinto 6:2 Nkaambo wati, Kuciindi ceelede ndakakuswiilila, Akubuzuba bwalufutuko ndakakugwasya. Lino amubone, ciindi ceelede nkukuti sunu, abwalo buzuba bwalufutuko nkukuti sunu.**

**Ba-Roma 10:13 Ikuti umwi aumwi uulilila izina Iya-Mwami ulafutuka.**